

կողմ, մեր ըմբռնումները հակիրճ ձևակերպելով միայն :

Անդրկովկասի քաղաքական ճակատադրի մէջ դեր խաղացող արտաքին ուժերի մէջ առաջին եւ գլխաւոր տեղը դրաւում է, ի հարկէ, Ռուսաստանը : «Արտաքին ոյժ» ասելով էլ այստեղ հասկանում ենք դուրսի՝ ո՛չ անդրկովկասեան ազդակները, աշխարհազորքէն հասկացուած : Այլապէս, Ռուսաստանը 18-րդ դարու վերջից սկսած արդէն՝ քաղաքական ներքին եւ միանգամայն վերին ազդակ է Անդրկովկասում : Գլխովին սխալ է այն դատողութիւնը, թէ հայերը եւ վրացիներն էին ռուսներին Անդրկովկաս բերողները, ընդդէմ մասմեղական տիրապետութեանց : Առաւել եւս անհրժմ է այն կարծիքը, թէ հիւսիսի մեծ պետութիւնը կովկասեան լեռնաշղթայից հարաւ իջաւ՝ Պարսկաստանի եւ Տաճկաստանի կըրկնակ լուծերի տակ «տառապող եղբայրակից ժողովուրդներին ազատազրելու» փափաքով : Նոյնչափ կեղծ է նաեւ այն պնդումը՝ որպէս թէ մերօրեայ ռուսները, կարմրած եւ բոլշեւիկացած, Անդրկովկասի «յեղափոխական ժողովուրդներին» ձեռք մեկնելու համար երկրորդ անգամ Կուրի եւ Երասխի հովիտները իջան : Այսօր այլեւս ոչ ոք չի հաւատում ձեռմակ ու կարմիր հէքեաթներին : Անդրկովկաս իջնելով ու երբեմն կրկին յետ բարձրանալով՝ Ռուսաստան միշտ էլ միա՛յն եւ միայն իր շահերով է առաջնորդուել : Հայերի ու վրացիների վերջին մարզն իսկ կոտորելու պարագային՝ ռուսները մէկ քայլ անգամ առաջ պիտի չդնէին, եթէ այդ չըլտէր սեփական շահերից : Եւ ոչ էլ մէկ քայլ պիտի նահանջէին, եթէ ամէն անգամ հարկազրուած չլինէին անել այդ :

Եթէ հայերը եւ վրացիները ռուսական նուաճումների ճամբու վրայ մի դեր խաղացել են, այդ էլ եղել է կրաւորակա՛ն դեր միայն : Մեր ժողովուրդները պարզապէս գործիք են ծառայեցուել Ռուսաստանի տէրերի ձեռքին, նրանց աշխարհակալական նպատակներին դադափարական գոյն տալու համար : Ռուս զորավարները երբեք էլ հայերի ու վրացիները կամ ուեկ ուրիշ ժողովուրդի կամքը չեն հարցրել, թէ ե՞րբ եւ արդեօք պիտի յառաջանա՞լ կամ նահանջել, ու մինչեւ ո՞ւր : Ռուսաստանը ի՛նքն

է այդ որոշել ամէն անգամ, շատ յաճախ ոտքի կոխան անելով ոչ միայն մեր երկիրները, այլ եւ մեզ ազդովին մատնելով առաւելապէս իր իսկ պատճառով մեզ հետ թշնամած մասմեղական ազգերի ձեռքը :

Ռուսաստանից դատ՝ վճռական դեր են խաղացել նաեւ արտաքին մրցակից ուժերը ու առաջին հերթին՝ Անգլիան : Եթէ այդպէս չլինէր, եթէ Ռուսաստանի ցանկութեանը մնացած լինէր, նա, դեռ 1829-ից սկսած, այսօր էլ կարտում եւ էրզրումում՝ նստած կը լինէր ամուր : Կարճ՝ Անդրկովկասի ժողովուրդները ո՛չ թէ կողմ, այլ սոսկական առարկայ են եղած եւ են էլ՝ Ռուսաստանի եւ մերձաւոր ու հեռաւոր աշխարհակալ պետութիւնների ձեռքին : Այդ դիտակցում են նրանք այսօր, ու այդ դիտակցութեան ճամբին էլ աշխատում են կողմ դառնալ : Տարբեր խնդիր՝ որչա՛փ յաջողութեամբ :

Արդ, Անդրկովկասի մեր հարեան երկիրները, Վրաստան եւ Ադրբէջան վճռել են ուղղադիւ առաջ երթալ : Միայն հակաբոլշեւիկ տարբեր չեն նրանցում, որ այդպէս են մտածում, այլ եւ շատ ու շատ համայնաւար վրացիները եւ ադրբէջանցիներ, եթէ ո՛չ բոլորը : Որպէս առաջին հանգրուան դէպի այդ նկատակակէտը՝ այս վերջինները խորհում են լուծել թորհրդային Անդրկովկասի միութիւնը եւ իրենց երկիրները դաշնակցային գետնի վրայ անմիջապէս թորհ. Միութեանը անդամակցել տալ : Ոչ-համայնաւար վրացիք ու թաթարները կարիք էլ չեն զգում իրենց վերջնական նպատակները ծածկելու : Նրանք նպատակազրել են՝ իրենց երկիրների անջատումը Ռուսաստանից, աւելի շուտ վերականգնումը Վրաստանի եւ Ադրբէջանի անկախութեանց : Փարիզի մէջ հիմնուած «Կովկասեան ժողովուրդների միութեան» առաջադրած համադաշնակցութեան (կոնֆեդերացիայի) ծրագրերը դրա արդիւնքն է ա՛հա : Այսպիսով, բոլշեւիկ եւ ոչ-բոլշեւիկ թաթարները մի տեսակ ներքին համաձայնութեամբ՝ լրացնում են իրար : Մէկ կողմը բացորոշ հակառուս եւ հակախորհրդային, միւս կողմը՝ «Թորհրդային օրիենտալիս» որդեգրած :

Հայաստանի եւ հայ ազգային քաղաքակա-